

tenet Ecclesia. Hanc tenete, hanc puro corde diligite, et ab ejus unitate non recedite; cum scriptum sit, Prov. cap. xii, v. 28: *Terminus, quem ausqui posuerunt Patres, ne transgrediaris.* Et Eccl. x, v. 8: *Qui dissipat seipsum, mordebit eum coluber; serpens & iacet ille, qui ejecit Adam de paradiſo, ex cuius pestifero ore Dominus vos semper eruat.* » Cum haec apostolica sede non ambiguis verbis, sed apertis, certisque significationibus dicta sint; in dubium

A revocari nequit hanc esse constantem, firmatamque in omni ævo SS. Patrum sententiam, hujus supremæ sedis doctrinam pro regula fidei esse tenendam, ac proinde nemini licere ab ea recedere, eique non obtemperare. Commiserandi profecto sunt, qui tanto in lumine cœcutire volunt, et qui malo spiritu acti ab ulnis amantissimæ matris aufugiant, et se, quosque seducunt, ad æternani pertribunt ruinam.

## VITA S. BRUNI SEU BRUNONIS

### ASTENSIS

#### SIGNIENSIMUM EPISCOPI ET ABBATIS MONTIS CASINI.

Edita lib. iv, c. 33, Chronicus Casinensis a Petro Diacono, prout eam disposuerat Leo episcopus, et cardinalis Ostiensis; sed morte preventus expiere non potuerat, ut testatur idem Petrus epistola nuncupatoria ad Reinaldum abbatem et cardinalem

**Beatissimus Brunus, sen Bruno, abbas hujus monasterii quadragesimus, sedit annis tribus, mensibus decem. Ilic Liguria provincia ortus ex illustri Astensis prosapia; sed illustriores ab infantia possidens mores, liberalibusque studiis a pueritia sufficienter instructus, Astensis episcopi canonicus existit, qui desiderio regni coelestis patriam parentesque relinquens, huc properans, ut Deo liberius sub monachali habitu deservire valeret, Romanam primura accessit ad urbem. His porro diebus Urbanus II universalis praesidebat Ecclesia. Factum est autem, ut eo tempore, quo idem vir ad hunc locum tendebat, Signiensis episcopus ex hac vita discesseret. Idem vero Romanus pontifex hunc spiritu fervore conspiciens, dixit ad eum: « Sicut tranquillitas maris multoties confert periculum nautis, ita et monachis a seculi turbine remotis, quies et securitas ipsa perniciosissimum solet inferre naufragium. Unde nostris monitis te obedire convenit, et Signiensis Ecclesiae curam, quæ tibi a nobis injungitur, tanto religiosius, ac diligentius, quantum scientia, et sapientia polles, regere stude. » Quibus cum ille sermonibus minime præberet assensum, præcepit ei ut ad civitatem prædictam pergeret; ibique vice Romani pontificis episcopum ordinans, iret quo vellet. Tunc supradictus vir illuc adveniens, cum sub iuncta implere satageret, idem papa clam Signiensibus spices destinans, admonuit, ut eum episcopum ordinaarent. Talia dum ad ejus notitiam pervenissent, intempestæ noctis silentio, B. Mariae Ecclesiam egrediens fugam arripuit. Itaque dum meditata implere satageret, in quadam trivio virgo, quæ imperiali trabea ornata, cujus facies resplendebat ut sol, illi comines astitit. Quam ille qualis, quare esse esset, et quo tenderet, cum requisivisset, illa respondit: Sponsam, quam non bene fugis, me**

B neveris esse. Quapropter ut ad Ecclesiam redeas ex Dei omnipotentis parte præcipio. Et cave ne Dei ulterioris velis resistere voluntati. Et his dictis dispersuit. Perculsum ad hæc Bruno sancte virginis feminæ, Deique in sua ordinatione voluntatem advertens, succubuit, ac pontificalem cathedram letantibus cunctis scandit. Ordinatus autem in ea qua fuerat mentis intentione permansit; unde ad inventa opportunitate, sub supradicto abbate Oderisio, ad hunc locum perveniens, flentibus qui cum eo venerant, et nihil tale de ipso suspicantibus, monachus factus est. Signienses autem graviter illius ferentes absentiam Pascalem papam II adeunt, flentesque rogant, ut illum potius episcopatus sui cura gerere cogaret, quam sibi tantum consulentem in Casinensi cenobio quietum, et remotum a sæculi turbine habitate permittat. Pontifex autem ad illorum verba permotus strenuos a suo latere destinat viros, per quos eidem Brunoni ex parte sedis apostolicæ mandat, ut coram ovium suarum studeat, et Romano pontifici in causis ecclesiasticis semper adhæreat; arguens insuper illum, et increpans cur absque apostolicæ sedis licentia, ausus fuisset monasterium petere, quo illum omnino non permetteret esse. Ad hæc præfatus Bruno, per episcopos et cardinales amicos hæc rescripsit: « Cuncti, procul dubio, qui in Romana sunt Ecclesia, noscunt, quia nisi contra Ecclesiam schismaticorum saviret insanía, hoc quod nunc egi, a multis jam annis opere implevissem. Nunc vero quia in Romana Ecclesia, Petro clavum regente, tota per orbem Christi Dei nostri gratulatur Ecclesia, ventorum jam turbines silent, maria pacata quiescunt, idcirco, quod Deo semel devoveram, reddere cogor. Melius est enim non vorare, quam vorare, et non reddere. Quod si quis fortasse mihi objiciat, quod semel acceptum episcopatum relin-

quere non debbam, licenter respondebo : quod multi sunt, qui pontificatus sui jura non deseruerunt, et de sinistris sunt, dicente Domino, Oseeæ c. ii : *Principes fuere, et non cognovi : judices existiterunt, et non per Spiritum meum.* Porro qui recta intentione episcopatum dimiserunt, certum est eos de æterna felicitate perenuiter in Christo gaudere. Mibi porro exempla sanctorum non desunt, quorum vestigia secutus sum : qui relicto tumultu sæculi, quietam vitam adepti sunt. Unde per vos summum pontificem obnoxie deprecor, ut de reliquo amplius mihi molestus non sit; et quietum portum, in quem Christo gubernante perveni, ne me relinquere cogat, suppliciter posco. Cuinque nulla ratione eumdem apostolicum, nec Signinum populum flectere valeret, supradictus abbas Oderisius rogavit pontificem, ut præfatum virum sub monachali habitu in hoc monasterio Deo militare permitteret; cuius precibus idem papa aurem accommodans quievit.

Post hæc autem ab eo pontifice una cum Boemundo in Gallia directus, vice Romani pontificis in iisdem partibus synodum secundum traditionem ecclesiasticam tenuit. Inde quoque Romam reversus, quadragesimo quarto die ab Othonis abbatis depositione exstante ad hoc monasterium rediit; atque a fratribus est in hujus cœnobii regimine ac cura prælatus. Idem vero apostolicus ad hunc locum postea veniens, non solum dignum illum esse abbatem illo in conventu peroratus est, verum etiam in apostolicam sedem dignum sibi successorem fore testificatus est. Non autem idem vir otiose hic vixisse credendum est, qui tales, ac tantos nobis Scripturarum exposuerit libros; de quibus summam illorum scilicet, qui in nostris manibus venere, pandere curamus. Super Genesim, super Exodus, super Leviticum, super Numeros, super Deuteronomium, super Psalterium, super Isaiam, super Cantica cantorum, super Judicum, super Apocalypsim. De totius anni festivitatibus, atque diebus Dominicis compositus sermones sexaginta novem, homilias centum quadraginta quinque.

Hoc præterea tempore Adenulfus, Lando, et Atenulfus Aquinenses comites diabolica inebriati vesania castrum Terame rusticorum prædatione ingredientes, et ejusdem castri habitatores in suam fidelitatem jurare facientes, oppida monasterio pertinetia deprædare cœperunt. Hoc ubi prædicto abbati nuntiatum est, ad eosdem comites dirigens, ut castrum monasterio redderent, et a tantis iniquitatibus et direptionibus cessarent, monere studuit. Illi ne audire quidem admonentem passi, deteriora in dies se facturos minabantur. Tunc abbas, habitu cum fratribus consilio, eosdem sacrilegos a liminis Ecclesiae separavit; ac e vestigio Robertum principem evocans ad eumdem castrum recuperandum invitavit; qui copioso valde congregato exercitu, super idem castrum adveniens, illud oppugnare modis omnibus cœpit. Cumqua hostiliter ibi per-

A dies quindecim resedisset, iidem comites miserunt ad eumdem abbatem, quod si illos cum armis suis inde exire permetteret, ipsum castrum absque omni controversia redderent. Quod cum idem abbas an<sup>B</sup> nisset, supradictum castrum in monasterii hujus potestate rediit, die Iduum Augustarum anno Domini 1108. Pro quo videlicet castro abbas Capuano principi libras 200 contradidit. Mense autem Octobrio advenit huc idem apostolicus, adjunctoque abbatte nostro, Beneventum synodi celebrande causa perrexit; in qua prædecessorum vestigia seculis constituit, ut si quis ecclesiastica beneficia de maru laicorum acceperit, et dans, et accipiebus communione præveniantur. Vestimenta vero sæcularia, et pretiosa reprehendit, et clericis talia uti interdixit. Cum autem Capuam devenisset, rogatus ab eodem abbatе Ecclesiam Sancti Benedicti, quain Desiderius abbas intra eamdem civitatem renovaverat, solemniter dedicavit; in qua etiam de vestimentis sanctissimi Patris Benedicti recondidit; siveque ad hoc monasterium veniens, Romanam reversus est.

Illi porro diebus Rogerius dux per præceptum B. Benedicto concessit, ut monasterii pecora nullum vectigal darent vel sibi, vel successoribus suis, sicut consueverant, in omnibus finibus Garpani montis; et ut ab Ecclesia, quæ Passari dicitur, usque ad Salpitatum pontem, et usque in mare, licentiam hospitandi ipsas oves haberent, apposita poena decem librarum auri. Tunc temporis Laydulfus Pandolfi comitis filius de Præsenzano, in præsencia ejusdem abbatis manifestavit, se de universa parte sua de castello Mortulae, et Casa Fortini, et Cucuruzzo, et Rocca de Bantra, poena apposita centum librarum, si hoc removere quæsisset. Sed et Joannes Trivertina sedis episcopus, una cum Roberto filio Tristani, Limessani Castri domino, obtulit huic loco Ecclesiam S. Illuminatæ intra fines ejusdem Castri, cum omnibus ecclesiis et pertinentiis suis. Anno Dominicæ Incarnationis 1110. Indict. 3, mense Junio sexta ipsius mensis die cometes apparuit. Deinde in Idus Februarii imperator Henricus pervenit ad urbem. Igitur pontifex misit in occursum ejus. Cum vero in superiores gradus ecclesiae Sancti Petri evassisset, illic dominus papa cum episcopis et cardinalibus intersuit. Post basilicæ ingressum uteque consedit. Pontifex instaurari ecclesiasticum jus petit. Ille cum episcopis et principibuscessit. Interna pontifex, et qui cum eo erant custodiebantur. Vix tandem ad altare B. Petri pro agendis missarum solemniis ascendere licuit. Expleta missa, de sede compulsus descendere pontifex, deorsum ante B. Petri confessionem cum fratribus sedit, ibique ad noctem usque custoditus a militibus, ad hospitium tandem extra ecclesiæ atrium ductus est cum fratribus. Capta est cum illo clericorum, laicorumque copiosa multitudo. Pueri item, ac diversæ ætatis homines, qui obviam ei cum floribus, et palnis exierant, alios obruncari, alios expoliari, partim cœdi, partim vinciri jussit. Joannes interea Tuscu-

ianus, et Leo Ostiensis episcopus, ubi papam captum perspexerunt, sub plebeio habitu in Urbem se receperunt.

Romani igitur cum audissent papam esse captiuum, tantus eorum animos tumultus, et dolor, indignatioque pervasit, ut protinus Alemanno omnes, qui vel orationis causa, vel alterius cuiuscunq; negotii urbem ingressi fuerant, necarent. Postera die egressi urbe, conserta pugna, plurimos de imperatoris exercitu obtruncant, et eorum captiis spoliis, aduersus Teutones ariorem ineunt pugnam; adeo ut eos porticu pene propellerent, ipsumque imperatorem equo dejicerent, et in faciem vulnerarent. Alemanni cum se premi a Romanis cernerent, sese in castra reeperunt. Romani vebementer animati, omnes adversus imperatorem se sacramento constrinxerunt. Hæc ubi imperatori nuntiata sunt, eadem nocte, euadem apostolicum secum abducens, tanto metu cum omni exercitu profugit ex porticu, ut non modo sarcinas, verum et socios plurimos in hospitio relinquerent. Post duos dies pontificem in sacris vestibus exui jussit; quod cum factum esset, viaculum eum pertraxere, Soractem usque pergentes. Pontifex autem cum duobus episcopis, Sabinense, et Portuense, et cardinalibus quatuor, apud castrum Trebicium, cæteri vero cardinales apud Corcodisum in custodia tenebantur.

Ilaque cum et Romanorum agros imperator popularetur in dies, ipsorum animos pecunia, dolisque tentaret, tantam Deus populo constantiam tribuit, ut nihil cum eis pacisci, nec papæ quidem, cardinaliumque promissa liberatione potuerit. Cernens itaque sibi secus quam putaverat contigisse, coepit jurejurando firmare, nisi pontifex illi morem gerret, et ipsum, et omnes, quos habebat in vinculis partim occisurum, partim amputatis membris quibusque debilitaturum. Sed cum ad id constantiam pontificis flectere nequiret in hoc tandem plena deliberatione convenit, ut omnes quos ceperat liberos facheret; dum tamen sibi in posterum apud pontificem prospicere posset. Cæterum pontifex vitam ponere, quam jura Ecclesiæ violare malebat, quamvis ille non Ecclesiæ jura, non officia quælibet, sed regalia sola se dare assereret. Proponebatur schismatis grave periculum, quod omni pene Latinorum imminebat Ecclesiæ. Victus tamen lacrymis, suspiriisque aliorum, totus in lacrymas solvitur. Et cogor, inquit, pro Ecclesiæ pace, et liberatione id perpeti, quod ne paterer, vitam quoque cum sanguine perfundere paratus eram. Igitur ex verbo pontificis juratum est hoc videlicet modo. Quod ulterius non inquietaret imperatorem, ejusque imperium de presumpcio, de temerato Ecclesiæ jure, eidemque imperatori privilegium sub anathemate confirmaret, ut episcopos, et abbates libere electos absque Simonia idem imperator annulo, et virga investiat; episcopasque sic investitus libere consecrationem ab archiepiscopo, ad quem pertinuerit, sumat. Si quis vero a populo, et clero eligatur, et non ab impera-

tore investiatur, a nemine consecretur. Et cum hæc sacramento firmasset, imperator demum quod eumdem pontificem cum episcopis, et cardinalibus, et omnes, qui cum eo, vel pro eo capti essent, obsidesque securos perduceret intra portas transyberinas civitatis, nec ulterius aut caperet, aut capi permetteret, juravit. Die igitur altera coronatus est imperator. Post coronationem, statim missarum solemnii, imperator in castra regreditur; pontifex autem Urbem regresus est. Hinc jam in Romana Ecclesia scandala dissensionum et schismatum oriri coepérunt.

**B** His quoque diebus dum abbas noster Bruno Ecclesiam S. Thomæ apostoli extra castrum Vallis Frigidæ solemniter dedicaret, mulier quædam a spiritu immundo vexata, ad eum deducta est; cuius calamitati compatiens, oratione præmissa, aquam unde manus lavaverat, patienti seminæ in potum dedidit; moxque ab ea malignum spiritum excusgit.

Præfatus autem abbas adjunctis sibi Guala Regino episcopo, et Roberto Pasieni, aliisque cardinalibus, memorato pontifici omnino immunebat, ut privilegium, quod imperatori fecerat, rumperet, cumque anathematis vinculo innodaret. Illi autem, qui cum illo in vinculis fuerant, dicebant: quod ante diximus, dicimus; quod prædicavimus, consona voce prædicamus, damnamusque quod ante damnavimus. Alii autem non modo non damnabant quæ contra Ecclesiam catholicam fuerant gesta, verum impudenter satis tueri nitebantur. Igitur dum ejusmodi dissentionibus apostolica quateretur Ecclesia, relatum est pontifici memoratum virum illius dissidi, et scandali ducem signiferum fuisse. Quod ubi abbas audivit, temporis opportunitate captata, dixit ei: Inimici mei dicunt tibi, quia non te diligo, et mala de te obloquor; sed mentiuntur. Ego enim sic te diligo, ut patrem, et dominum meum; nemineque alium, te vivente, volo habere pontificem; sicut cum multis aliis tibi promisi. Audio tamen Salvatorem meum dicentem mihi: Qui amat patrem, aut matrem plusquam me, non est me dignus (Matth. x); unde et Apostolus: Si quis, inquit, non diligit Dominum Jesum Christum, anathema sit (I Cor. xvi). Debeo igitur diligere te, sed plus debeo illum diligere, qui te fecit, et me. Hunc autem tanto animi nihil unquam præferendum est. Fœdus autem illud adeo fœdum, tam violentum, tam eum proditione factum, tam omni pietati, religionique contrarium, ego non laudo. Quis enim illud laudet, quo violatur fides, ecclesiæ libertas amittitur, sacerdotium tollitur, unicum et singulare ostium Ecclesiæ clauditur, multa ostia aperiuntur, per quæ qui intrat fur est, et latro? Habemus canones, habemus SS. Patrum constitutiones ab apostolorum temporibus ad te usque perductas. Via regia incedendum est, neque ab ea in aliquam partem declinandum. Apostoli illos omnes dominant, et a fidelium communione sejungunt, qui per sæcularem potestatem Ecclesiam obtinerent. Laici enim quantumlibet religiosi sint, nullam tamen disponendæ Ecclesiæ facultatem sunt

consecuti. Hæc enim apostolorum constitutio sancta est; cui qui contradicit, catholicus non est. Omnis autem qui hæresim tuerit, hereticus est. Nemo hanc non esse hæresim dicere potest, quam sancta, et apostolica Ecclesia in multis conciliis hæresim nominat, et cum suis auctoribus damnat.

Talis allocutio inter pontificem et abbatem invidiæ et odii somitem ministrait. Inter extera vero, quæ tunc pontifex in abbatem locutus est, ait: Nisi illum a monasterii administratione removero, ipse suis argumentis Ecclesiæ mihi regimen tollet. Quapropter eidem abbati direxit epistolam, qua venuit ne ultra episcopus esset, atque abbas. Neque enim ultra ferre apostolicam sedem episcopum aliquem monasterio præsse tam celebri. Fratribus etiam per Leonem Ostiensem episcopum, et hujus cœnobii monachum litteras misit, mandans, ne ipsi viro ulterius obedirent, sed secundum Deum regulariter sibi abbatem eligerent; sin autem secus agerent, in omnibus monasterii cellis abbates ipse statueret. Hoc ubi abbas audivit, convocatis fratribus ostendere corpit quænam inter ipsum et summum pontificem pro causis ecclesiasticis esset orta dissentio; simulque admonuit, ut si abbatem, quem ipse eligeret, vellent, et illos et hunc locum pro viribus protegeret atque defenderet. Erat tunc in monasterio frater Peregrinus nomine, natione Ligur, sæculari astutia callidus, cui regiminis onus imponere decernebat. Quod cum fratres didicissent, dixerunt abbati, quandiu ipse vellet ei abbatis jure præsse, omnes illi ut domino, ac Patri obedirent; sin autem

A ea cura desisteret, electionem quæ illis ex regulæ præcepto debebatur, nulli omnino permetterent, sed ipsi antiquo more abbatem sibi constituerent. Hoc Peregrinus ille audiens, et id violenter implere posse potius, armatos milites ad custodiendum monasterium in suum auxilium evocat. Postera vero die, fratribus Ecclesiam ad missam celebrandam cum pace introeuntibus, subito armata telis occurrit multitudo furentium, et qui essent, qui voluntatem abbatis nollent implere, quærerentur. Fratres autem hæc nimis ægre, et indigne ferentes, unanimiter in illos ruunt, monasterioque deturbant. Quod ubi abbati nuntiatum est, ad monasterium continuo ascendit, vocatisque ad se fratribus: Nolo, inquit, ut propter me inter vos, et Romanum pontificem scandalum oriatur, virginique pastoralem super altare ponens: Accipite, inquit, quam mihi tradidistis; absolutioneque fratribus facta, ad episcopatum suum rediit. Ubi in sancta conversatione usque ad Oderis secundi abbatis tempora vivens feliciter migravit ad Dominum pridie Kalend. Septembribus. Sepultus est in civitate Signina, in Ecclesia S. Dei Genitricis et V. Mariæ. Ad ejus memoriam etiam hodie Dominus miracula patrare dignatur ipsius intercedentibus meritis.

Girardus abbas XL istius monasterii, nobilissima Marsorum stirpe progenitus, post Othonis transitum, Bruno quo supra retulimus ordine abbas effectus fuisset, ac Rom. pontificis jussu monasterii relicta cura, ad episcopatum suum remeasset, a fratribus C uno consensu abbas eligitur.

## IN COMMENTARIUM VITÆ

### S. BRUNONIS ASTENSIS SIGNIENSIVM EPISCOPI

#### PROÆMIUM.

Infanstæ virorum conditioni plerumque ascribitur, si illis temporibus ortum habuerint, vitamque duxerint, quæ obscura, inculta, insinuque ævi appellantur. Fateor equidem prærogativam quamdam excellentiæ, et honoris ætati illi accedere, in qua humaniores litteræ, et facultates maxime claruerunt, præstantioraque scripta doctorum hominum prodierunt; quare felices, beatique censemur, qui fortunatis illis diebus floruerunt. Ab hoc eminenti subsellio hi dejici solent, qui ex temporum vicissitudine, scientiis ad occasum vergentibus, nati sunt; quique, neglectis pene bonis studiis, præclara exemplaria ante oculos sibi proponere non habuere. Virum quia virtus et sapientia tanto gloriosior exsurgit, quanto difficultior est progressus ad ipsam; cum majori conatu, proprioque ingenuo adqui-

ratur, iis equidem consentire nequeo, qui de metris hominum a nota ætatis rationem desumere præsumunt. Hoc præjudicium, seu indignam de S. Brunone Astensi Signiensium episcopo a nonnullis usurpatam opinionem propulsare aggredior, eumque inter illustriores episcopos, celebriores inter doctores, interque optime meritos de Ecclesia catholica Patres collocandum esse contendeo. Et quidem quod ad sapientiam spectat, non illam solum commendari velim, quæ humana est, et qua philosophi plures ethnici excelluerunt, sed illam quæ desursum est, descendens a Patre luminum (Jac. ii, 17), quamque, ut monet sapientissimus Salomon, Eccli. 1, 11: *Effundit Deus in homines, secundum datum suum, et præbet illam diligentibus se.* Revera si S. Brunonis in divinos libros commentationes